



«ԶԱՆԳԵՉՈՒՐԻ ՊՂՆՁԱՄՈՒԻԲԴԵՆԱՅԻՆ ԿՈՄԲԻՆԱՏ»

ԲՆԱՊԱՀՊԱՆԱԿԱՆ ՔԱՂԱՔԱԿԱՆՈՒԹՅՈՒՆ

«Զանգեզուրի պղնձամուլիբդենային կոմբինատ» ՓԲ ընկերությունը (այսուհետ՝ «ԶՊՄԿ» կամ «Ընկերություն») իր գործունեության բոլոր ոլորտներում կայուն բնապահպանական մեթոդներ կիրառելու միջոցով ձգտում է օգտակար հանածոների պատասխանատու արդյունահանման, որը նվազագույնի կհասցնի Ընկերության ազդեցությունը շրջակա միջավայրի վրա: Ընկերության բոլոր շահագրգիռ կողմերը, ներառյալ՝ աշխատակիցները, տեղական համայնքները, բաժնետերերն ու կապալառու կազմակերպություններն իրավունք ունեն Ընկերությունից ակնկալել պատասխանատու և կայուն մոտեցում իր գործունեության նկատմամբ:

Սույն Քաղաքականությունը վերաբերում է ԶՊՄԿ Տնօրենների խորհրդին, Ընկերության ամբողջ անձնակազմին, ներառյալ՝ բարձրագույն ղեկավար կազմը, ինչպես նաև Ընկերության կապալառուներին, գործընկերներին, հյուրերին և այցելուներին այնքանով, որքանով կիրառելի է:

Սույն Քաղաքականության շրջանակում Ընկերությունը՝

- ▶ աջակցում է բնական ռեսուրսների ռացիոնալ օգտագործմանը և կայուն աշխատանքային մեթոդներին Ընկերության գործունեության բոլոր ուղղություններով՝ նպաստելով շրջակա միջավայրի կառավարման շրջանակում պատասխանատվության և նորարարության մշակույթի զարգացմանը:
- ▶ հիմնվում է ՀՀ կանոնակարգերի և կիրառելի միջազգային բնապահպանական չափանիշների վրա և ձգտում է կիրառել շրջակա միջավայրի կայունության վերաբերյալ համաշխարհային լավագույն փորձը՝ նպատակ ունենալով գերազանցել աղտոտման կանխարգելման, ռեսուրսների պահպանման և կենսաբազմազանության պաշտպանության ստանդարտ պահանջները, ներառյալ ISO 14000 ստանդարտները, Միջազգային ֆինանսական կորպորացիայի (ՄՖԿ) կատարողական ստանդարտները, Պոչամբարների կառավարման համաշխարհային ստանդարտը, ՄԱԿ-ի Գլոբալ պայմանագրի, Հանքարդյունաբերության և մետաղների միջազգային խորհրդի (ՀՄՄԽ) սկզբունքները և ՄԱԿ-ի Կայուն զարգացման նպատակները:
- ▶ բացահայտում, գնահատում և կառավարում է բնապահպանական վտանգները ռիսկերի գնահատման հուսալի գործընթացի միջոցով:
- ▶ շարունակաբար կատարելագործում է Ընկերության շրջակա միջավայրի կառավարման համակարգերը՝ բնապահպանական գործընթացների ինտեգրումը կազմակերպության բոլոր ստորաբաժանումներում ապահովելու համար:
- ▶ զարգացնում է բնապահպանական պատասխանատվության բարձր մշակույթ բոլոր աշխատակիցների և համապատասխան շահագրգիռ կողմերի շրջանակում՝ խրախուսելով ակտիվ մասնակցություն Ընկերության բնապահպանական նախաձեռնություններին և ամրապնդելով կայուն զարգացման նկատմամբ միասնական հանձնառություն:
- ▶ իրականացնում է համապարփակ բնապահպանական ուսուցում և ապահովում է կրթությամբ՝ Ընկերության աշխատակիցների և համապատասխան կապալառուների հնարավորություններն ընդլայնելու համար՝ նրանց գինելով գիտելիքներով և գործիքներով, որոնք կարող են արդյունավետ կերպով նպաստել Ընկերության բնապահպանական նպատակների իրականացմանը:
- ▶ տրամադրում է անհրաժեշտ միջոցներ սույն Քաղաքականության իրականացման համար:
- ▶ սույն Քաղաքականության մասին իրազեկում է բոլոր շահագրգիռ կողմերին, որոնց վրա կարող է ազդեցություն ունենալ Ընկերության գործունեությունը:
- ▶ Ընկերության գործունեության բոլոր ուղղություններով թափանցիկ և պրոակտիվ կերպով համագործակցում է համապատասխան շահագրգիռ բոլոր կողմերի հետ բնապահպանական ցուցանիշների շրջանակներում:
- ▶ պահպանում է արտակարգ իրավիճակների նկատմամբ պատրաստվածության բարձր մակարդակ՝ բնապահպանական պատահարներին արդյունավետ արձագանքելու և դրանց հետևանքները վերացնելու համար:

- ▶ իրականացնում է բնապահպանական պատահարների մանրակրկիտ հետաքննություն՝ դրանց հիմնական պատճառները բացահայտելու, ուղղիչ գործողություններ ձեռնարկելու և ապագա պատահարները կանխելու համար:
- ▶ շարունակաբար ամրապնդում է շահագրգիռ կողմերի հետադարձ կապի և մասնակցության ուղիները, գնահատում է տարբեր հեռանկարներ Շնկերության կողմից բնապահպանական որոշումների կայացման գործընթացներում և խթանում է համատեղ լուծումները:
- ▶ իրականացնում է Շնկերության բնապահպանական ցուցանիշների մոնիտորինգ և այդ մասին պարբերաբար զեկուցում շահագրգիռ կողմերին:
- ▶ ցուցաբերում է պրոակտիվ մոտեցում նոր տեխնոլոգիաների և փորձի ինտեգրման ուղղությամբ այնպիսի ոլորտներում, ինչպիսիք են՝ էներգաարդյունավետությունը, թափոնների կրճատումը, ջրի և կենսաբազմազանության պահպանությունը:
- ▶ պարբերաբար վերանայում և թարմացնում է բնապահպանական նպատակներն ու խնդիրները՝ հիմնվելով կատարողականի տվյալների և շահագրգիռ կողմերի հետադարձ կապի վրա:
- ▶ պարբերական աուդիտների և վերանայումների շրջանակներում գնահատում է սույն Քաղաքականության կիրառման արդյունքներն ու ցուցանիշները, բացահայտում է դրանց բարելավման ուղղությունները:

Նախագծի ղեկավար՝
Արտյոմ Պետրոսյան

Ջեդիակ՝
Արմեն Ստեփանյան

Tel: +374-60-500003, +374-285-33131
Email: info@zcmc.am

Հրապարակման ամսաթիվը՝ 25.12.2024թ.

